

**«Հայաստանի Հանրապետության կառավարության
2007 թվականի մարտի 7-ի N 384-Ն որոշման մեջ
փոփոխություններ կատարելու մասին» և
«Հայաստանի Հանրապետության կառավարության
2023 թվականի հուլիսի 20-ի N 1219-Ն որոշման
մեջ փոփոխություններ կատարելու մասին» ՀՀ
կառավարության որոշումների նախագծեր**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

2024 թվականի _____ N ____-Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2007 ԹՎԱԿԱՆԻ ՄԱՐՏԻ
7-Ի N 384-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածների պահանջները՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2007 թվականի մարտի 7-ի «Հայաստանի Հանրապետության պաշտպանության նախարարության համակարգի զինծառայողների բնակարանային ապահովության մասին» N 384-Ն որոշման 1-ին կետով սահմանված հավելվածում (այսուհետ՝ Հավելված).
 - 1) 6-րդ կետի 5-րդ ենթակետում «` տեղեկանք Կադաստրի կոմիտեի կողմից` բնակարանի կամ բնակելի տան տիրապետման ձևի մասին» բառերը փոխարինել «սեփականության իրավունքը հավաստող այլ փաստաթղթի պատճենը» բառերով,
 - 2) ուժը կորցրած ճանաչել 6-րդ կետի 7-րդ ենթակետը,
 - 3) լրացնել նոր 6.1-ին կետով հետևյալ բովանդակությամբ.

«6.1. Չինծառայողի և օրենքով սահմանված նրա ընտանիքի անդամների անվամբ Հայաստանի Հանրապետության տարածքում սեփականության իրավունքով բնակելի տարածության առկայության կամ այդպիսին չլինելու մասին, ինչպես նաև զինծառայողի և նրա ընտանիքի անդամների անվամբ վերջին 5 տարիների ընթացքում Հայաստանի Հանրապետության տարածքում

սեփականության իրավունքով բնակելի տարածության օտարման վերաբերյալ անհրաժեշտ տեղեկատվությունը համապատասխան մարմինները Կադաստրի կոմիտեից ստանում են սահմանված կարգով փոխգործելիության միջոցով:»

- 4) ուժը կորցրած ճանաչել 15-րդ կետի 6-րդ ենթակետը,
- 5) լրացնել նոր 15.2-րդ կետով հետևյալ բովանդակությամբ.

«15.2.2 ինժանյորի և նրա ընտանիքի անդամների անվամբ Հայաստանի Հանրապետության տարածքում սեփականության առկայության վերաբերյալ անհրաժեշտ տեղեկատվությունը համապատասխան մարմինները Կադաստրի կոմիտեից ստանում են սահմանված կարգով փոխգործելիության միջոցով:»

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Հայաստանի Հանրապետության

Ն. Փաշինյան

վարչապետ

Երևան 2024 թ.

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

2024 թվականի _____ N __-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2023 ԹՎԱԿԱՆԻ ՀՈՒՆԻՍԻ 20-Ի N 1219-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածների պահանջները՝ Հայաստանի Հանրապետության

Կառավարությունը որոշում է.

1. Հայաստանի Հանրապետության կառավարության 2023 թվականի հուլիսի 20-ի «Ծառայության վայրում ծառայողական բնակարանով չապահովելու դեպքում պայմանագրային գինծառայողներին ամսական դրամական հատուցում վճարելու կարգը և չափերը սահմանելու, ինչպես նաև Հայաստանի Հանրապետության կառավարության 2018 թվականի նոյեմբերի 22-ի N 1321-Ն որոշումն ուժը կորցրած ճանաչելու մասին» N 1219-Ն որոշման 1-ին կետով սահմանված հավելվածում (այսուհետ՝ Հավելված).
 - 1) ուժը կորցրած ճանաչել 6-րդ կետի 3-րդ ենթակետը,
 - 2) 11-րդ կետը շարադրել հետևյալ բովանդակությամբ.

«11. Սույն կարգի 5-րդ կետի 1-ին կամ 3-րդ ենթակետերում սահմանված պայմանների առկայության վերաբերյալ անհրաժեշտ տեղեկատվությունը համապատասխան մարմինները Կադաստրի կոմիտեից ստանում են սահմանված կարգով փոխգործելիության միջոցով, որոնց առկայության դեպքերում ամսական դրամական հատուցման վճարումը դադարեցվում է: Սույն կետի համաձայն ամսական դրամական հատուցման վճարումը դադարեցնելու վերաբերյալ գրավոր ծանուցվում է շահառուին:»

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Հայաստանի Հանրապետության

Ն. Փաշինյան

վարչապետ

Երևան 2024 թ.